

影印

文淵閣四庫全書

第一一三五冊

北京出版集團公司
北京出版社

本冊目次

鴻慶居士集

宋 孫覲撰……………一

內簡尺牘

宋 孫覲撰
李祖堯編註……………四六七

崧菴集

宋 李處權撰……………五七七

豫章文集

宋 羅從彥撰
元 曹道振編……………六四一

年譜

藏海居士集

宋 吳可撰……………七八三

欽定四庫全書

集部

鴻慶居士集
總目
卷二

詳校官右中允臣薩敏

主事臣呂雲棟覆勘

總校官降調編修臣倉聖脉

校對官學正臣翁樹棠

謄錄監生臣劉仲

鴻慶居士集序

大凡文人才士少之時屈首受書未能多閱天下之義理壯則從事四方志有所分及其老也血氣既衰聰明隨之雖有著述鮮克名家此古今之通患也其或軼羣邁往賦才獨異而復天假之年磨淬鍛鍊重之以江山之助名章雋語少而成壯而盈晚而愈精有若戶部尚書晉陵孫公蓋千萬人中時一遇焉公生于元豐辛酉當大觀政和間士唯王氏三經義字說是習而公博學

欽定四庫全書

鴻慶居士集

篤志如韓退之謂禮部所試可無學而能者第進士冠詞科筆勢翩翩高出流輩將及知命靖康倣擾為執法為詞臣旋由瑣闥歷吏戶長貳連守大邦其章疏制詔表奏往往如陸敬輿明辨駿發每一篇出世爭傳誦紹興而後遭值口語斥居象郡久之歸隱太湖上捨蠻蜚而狎鷗鷺去茅葦而友松菊于是緒北堂萬卷之鈔袖明光起草之手默觀物化吟詠性情烟波萬頃納之胸次風雲態變日接於前如是二紀所得不可勝計毋怪

乎筆端之衮衮也天門劃開訢章上達論撰次對重書
繼下年雖耄老親為謝表至於宰執侍從臺諫則人致
一啟各出新意其用意屬辭少壯所不逮又後十載當
孝宗朝嘗命編類蔡京王黼等事實上之史官此與伏
生年九十餘詔太常受尚書何異是豈可以他人老少
常理論也哉沒既一世其子興國太宗介宗以書謂必
大曰先君文稿中更兵燼存者無幾而閩蜀所刻復雜
瞿忠惠之文大懼不足傳信今定為四十二卷其未備

欽定四庫全書

鴻慶居士集

二

者方哀次外集為我序之憶乾道丁亥遇公陽羨公八
十有七矣論文之餘語及前朝舊事健論滔滔如洪河
東注緒言纚纚如聚繭巢絲屢更僕不能休然後知公
非特文鋒不可當而老如趙充國猶善為兵也茲幸挂
名集端因且列之近歲吏部侍郎葛公立方作韻語陽
秋載東坡自海南歸公方髫齡坡命對衡門稚子璠璣
器公應聲云翰苑仙人錦繡腸坡嘆曰真璠璣也以公
早慧固應有此然坡北歸實靖國辛巳公已二十一得

非元豐乙丑自便還常公纔五歲時乎所記訛耳鄉人
既戶傳亦不得而畧也公諱覲字仲益嘗以龍圖閣學
士提舉南京鴻慶宮故自號鴻慶居士云慶元五年十
一月某日少傅觀文殿大學士致益國公周必大序

欽定四庫全書

鴻慶居士集

三

欽定四庫全書

鴻慶居士集總目

集部四

別集類三 宋

卷一

詩

卷二

詩

卷三

詩

欽定四庫全書

鴻慶居士集
總目

卷四

詩

卷五

詩

卷六

詩

卷七

挽詞

卷八

表狀

卷九

表狀

卷十

書

卷十一

書

欽定四庫全書

鴻慶居士集
總目

卷十二

書

卷十三

啟

卷十四

啟

卷十五

啟

卷十六

啟

卷十七

啟

卷十八

啟

卷十九

啟

欽定四庫全書

鴻慶居士集
總目

三

卷二十

啟

卷二十一

記

卷二十二

記

卷二十三

記

卷二十四

外制

卷二十五

外制

卷二十六

外制

卷二十七

劄子

欽定四庫全書

鴻慶居士集
總目

四

卷二十八

四六雜文

卷二十九

四六雜文

卷三十

序

卷三十一

序

卷三十二

書跋 銘 贊

卷三十三

墓誌銘

卷三十四

墓誌銘

卷三十五

墓誌銘

欽定四庫全書

鴻慶居士集
總目

卷三十六

墓誌銘

卷三十七

墓誌銘

卷三十八

墓誌銘

卷三十九

墓誌銘

卷四十

墓誌銘

卷四十一

墓表

卷四十二

行狀 傳

臣等謹案鴻慶居士集四十二卷宋孫覲撰

覲字仲益晉陵人徽宗末蔡攸薦為侍御史

欽定四庫全書

鴻慶居士集
總目

靖康初蔡氏勢敗乃率御史極劾之金人圍

汴李綱罷御營使太學生伏闕請留覲復劾

綱要君又言諸生將再伏闕朝廷以其言不

實斥守和州既而綱去國復召覲為御史專

附和議進至翰林學士汴都破後受金人女

樂為欽宗草表上金主極意獻媚建炎初貶

峽州再謫嶺外黃潛善汪伯彥復引之使掌

誥命後又以贓罪斥提舉鴻慶宮故其文稱

鴻慶居士集孝宗時洪邁修國史謂靖康時人獨覲在請詔下覲使書所見聞靖康時事上之覲遂於所不快者如李綱等率加誣辭邁遽信之載於欽宗實錄其後朱子與人言及每以為恨謂小人不可使執筆故陳振孫書錄解題曰覲生于元豐辛酉卒于乾道己丑年八十九可謂耆宿矣而其生平出處則至不足道岳珂程史亦曰孫仲益鴻慶集大

欽定四庫全書

鴻慶居士集

七

半誌銘蓋諛墓之常不足詫獨武功大夫李公碑乃儼然一璫耳亟稱其高風絕識自以不獲見之為大恨言必稱公殊不為作趙與峕賓退錄復摘其作莫沂墓誌極論屈體求金之是倡言復讐之非又摘其作韓忠武墓誌極詆岳飛作万俟卨墓誌極表其能殺岳飛一事力斥其顛倒悖謬則覲之怙惡不悛當時已人人鄙之矣然覲所為詩文頗工尤

長於四六與汪藻洪邁周必大聲價相埒必大為作集序稱其名章雋句晚而愈精亦所謂孔雀雖有毒不能掩文章也流傳菰苑已數百年今亦姑錄存之而具列其穢跡如右一以節取其辭華一以見立身一敗詬辱千秋清辭麗句轉有求其磨滅而不得者亦足為文士之炯戒焉乾隆四十六年五月恭校

上

欽定四庫全書

鴻慶居士集

八

總纂官臣紀昀臣陸錫熊臣孫毓汶

總校官臣陸費墀

欽定四庫全書

鴻慶居士集卷一

宋 孫覲 撰

詩

泊德清龜溪亭遇大雨

崩雲四合千嶂重奔電一掣十里紅土囊叱吸萬竅風
江翻石走昏相蒙疾雷破柱鞭老龍百賈顛沛市井空
銀河倒傾千丈硤魚鼈欲取山為宮洪濤春天怒相攻
欽定四庫全書 鴻慶居士集 卷一
大舸吹簸如飛蓬醉卧掀舞一葉中洗我雲夢芥蒂胸
忽然變滅何匆匆雷公收聲電改容霞舒霧卷縈長虹
紺碧萬頃磨青銅溪邊結網南巷翁白髮黃馘射兩瞳
赤鱗騰出無留蹤刻舟求劍何時逢

湖州天寧寺飲王生

莫闕蝸兩角且共路一邱夷跼坐我旁汝豈河南騶割
肉一噉之徐以大白浮噲伍君勿譙笑談起封侯

二

諸家迹便埽得此一老兵江東醉司馬酒中尚求名哀
哉南山其不平自號鳴慎勿歌烏烏作此老婢聲

宿太湖口

誰令醉尉怒端是丞相嗔交疎白眼見愁絕翠眉顰遲
暮仍三尺黥驚窺四隣還將萬里眼笑索嶺梅春

二

白首對瀧吏辛汗愧逐臣溪山不改色風雨解留人坎
壈知天意漂浮任此身紛紛小兒女何必淚沾巾

欽定四庫全書

鴻慶居士集 卷一

餘杭聞出師

國威連羣盜時危仗老臣分憂當北顧請幸且東巡肘
足儀三晉創痍又一秦不眠聽野哭愁殺路傍人

富陽道中

渺渺行雲慢慢溶溶曳水衣雷翻巢墮乳風落網粘飛獨
拄青藜杖來推白版扉平生邱壑趣漂泊寸心違

二

白帽炎州客青裙酒姥家微風搖扇浪細雨落簷花客

舍休占鵬蠻村欲饌蛇會令醒復醉高枕送生涯

桐廬連夕大雨溪漲數十丈徙寓白塔山上方閣
蒼莽川流會渾酣海氣噓蛟龍改窟宅雷電走空虛殷
地翻坤軸粘天浸日車高僧欲盃渡遊客且樓居壯觀
真難值幽懷亦少舒翩翩一鳥去何必羨知魚

水退

蕩沃波瀾大憑陵意氣粗射潮鯨鯨怒鞭石鬼神驅雲
斷千崖立風行萬壑趨橋烏朝共起水鳥夜仍呼灩灩

欽定四庫全書

鴻慶居士集
卷一

三

紅昇曉霏霏翠撲膚浮楂卧泥滓狼藉滿街衢

胥口

江濶卧人影山長送馬蹄渚蓮紅尚斂沙草翠相迷高
樹藏雲直踈篁壓雨低酒醒渾不記端是武陵溪

釣臺

北塞風塵萬鼓聲東京社稷一成衣綠林羣盜驅民去
赤伏真人得帝歸諸老蟬聯蒼玉佩將軍坐輕紫金鞵
先生此日青霞志一笑凌空拄杖飛

二

故人遺像丹青落蓋代榮名日月懸萬馬羣空冀北野
一蛇獨遊原上田晚浦輕蘋涵落日秋崖老樹立蒼烟
高風自此騎星去千歲光芒夜斗邊

蘭溪津亭病起

離亂紛紛醉尉多將軍獨夜灞亭過旅巢對鵬占行役
客狙懸蛇卧宿疴雙鬢盡從愁裏白衰顏時向酒中酡
雲翻雨覆須臾耳未用區區較唯阿

欽定四庫全書

鴻慶居士集
卷一

四

二

風波湧地干漚發創痛鑽皮百箭攻藥裏關心防二豎
謗書盈篋忤三蟲剖爪女隸方求巧結柳奴星也送窮
笑我平生持螯手未應咄咄左書空

三衢聞都督兵潰常潤間懷舍弟而下

紫荆有信欲開花黃犬無情不到家偶坐厭聞烏嘯嘯
孟行喜聽雀查查同看明月人千里相望孤雲海一涯
驥子熊兒無患否風雲慘淡鬪龍蛇

月岩寺寺有岩石高數十丈一穴中空如半月狀
號半月岩

老墓蝕月缺破鏡擲道邊金樞環一夕玉斧斷千年何
人挾寸鉄插羽飛上天但令蝸蝶死重看十分圓

立秋饒陽道中

殘夜山月吐蓐食治野裝策策林響變一葉風隕黃客
路感時節起看鴈南翔秋風掠孤影雲路正茫茫老馬
倦長道解鞍聊緩觴小雨濯鬢鬢欣然愜初涼

欽定四庫全書

鴻慶居士集

五

二

奇苞照屋角橘柚垂青黃感之勤中懷弓刀戒秋防竄
身楚南極守隸工遮防投鞭得小偈乎席紛在旁虎賁
起偶坐悠然見中郎一醉汨其汎江湖渺相忘

弋陽縣古葛陂也縣有古剎臨大溪相傳云佛圖

澄浣腸故地

古道陰森翠柏行長鞭搖曳紫遊韁佩鳴蒼玉傾瑶席
地布黃金列寶坊仙客杖飛龍有角胡僧腸浣水生光

兩朝人物空冥冥百代風流競淼茫松骨倚天增老氣
溪毛着水渡微香鴉啼鵲噪秋風外千丈藤蘿掛夕陽

過安仁縣權令主簿同蔡尉見訪

莽莽纏兵氣蓬茅庇一邱尚看蒙赤幟不復卧黃紬抱
牘行鳬鶩徵租聚沐猴黃昏更蕭瑟風雨笑鵝鷗

二

投老一浮萍長亭復短亭誰憐仙客去自有故人經世
亂眉多赤情高眼獨青臨分聽苦語令我醉時醒

欽定四庫全書

鴻慶居士集

六

宿臨川村舍

林壑已秋聲涼蟬又一鳴人間多古意地僻有微行身
老殊方去愁牽百慮生途人夜相語豺虎正縱橫
時建昌石

陂溢起

題臨川孝義寺壁

秋風嫋嫋轉庭梧客夢初驚一鳥呼揀盡寒枝棲不穩
獨行殘夜影同孤

二

孤城吹角五更風笑語團圓一夢中戰格連雲家萬里
書憑黃犬若為通

疎山寺次白文林韻

翠幹軒軒迴出林夜風吹籟紫簫音老龍頭角雲霄近
玄豹文章霧雨深末路浮榮炊劍首半生遺恨寄琴心
愁吟獨濺花前淚故國山河百戰侵

白河東人有應為念交侵之語

二

藜杖匆匆集晚林長廊破壁撼鐘音天涯流落相逢地

欽定四庫全書

鴻慶居士集

七

孟酒殷勤莫厭深萬里功名飛燕領千金博飲炙牛心
更聞好句驚人倒一洗蠻烟瘴霧侵

三

黃花翠竹小叢林卧聽南山白石音螳關已空遺堙在
蝸銓終戀故廬深掀髯一笑追前謬禮足同叅看此心
且向疎山結香火人生莫受二毛侵

疎山長老善清日誦楞嚴維摩二經賦小詩二首

示之

塵漲迷三鹿桑枯厭八蠶徵心渾不見問疾有誰諧坐
待成風斲應湏立雪叅欽聞第一義細說後三三

二

彈指三生過傷心一念差試堞天上月為種火中花粗
識禪為味初欣道有牙老師一笑許千劫誤蒸砂

明水寺五代末危全諷據臨川時所建畫像至今
存焉寺旁最高峯有祠屋一區道士居之二首

欽定四庫全書

鴻慶居士集

八

朽餘三窟皮存尚一班傷心千古淚相伴兩潺潺

二

愁坐猿啼裏行吟度鳥間翠凋中上髮紅破鏡中顏老
去經三折真遊付八還無心自來往空羨白雲閒

崇仁縣

萬山攢擁天一笠北風吹雨兩鬢濕饑鳥絕叫護巢飛
老蛟怒起擎雲立孤城短日砧杵急騎驢渺渺衝泥入
桑枝倒折機杼空道旁廢井無人汲遺民到今傳舊邑

擊水華鯨浪三汲故物漂流百戰餘客子起坐萬感集
小驛香醪如雪汁一杯快作長虹吸酒醒寂歷照短檠
幽咽數聲鄰婦泣

余南遷次臨川奏廬陵道屬聞盜掠高安新淦之

間少留仙遊山道祠是時巖下木犀花盛開漫

山皆大松一峯蒼然終日遊惴其下各賦詩一篇

簷牙啄林抄筆殿浮青紅天風吹汰寥萬籟酣笙鏞木

犀已著花濯濯秋雨中潁姿出素面一洗丹粉空幽香

欽定四庫全書

鴻慶居士集

九

襲巾袂冷艷淒房櫳迫此芳歲殘一笑當誰共羣仙立
通明矯矯驂鸞龍相隨歸閨苑遺恨寄西風

二

歷歷水中榆地遠連玉京掄材上華屋裊裊黃金莖蒼
宮表獨立垂胡交綬纓根深崖嶠壯勢壓山岳傾萬牛
挽不回老氣空崢嶸夜半風雨會歲晚龍蛇升我來不
忍去繞樹三匝行珍重金石友待我烹茯苓

遣興

亂後煎百慮老去無一欣故人尺書至好語中夜聞坐
久百蟲絕開簾月紛紛長歌又一醉酒醒擊空尊

題華蓋仙亭大松示柳道士

繫舟古巴江曳杖真仙亭金輿簇畫戟玉几羅翠屏堂
堂十八公獨立霜中英魁然十圍大蔭此一蓋青翹翹
雲物外坐閱秋蒂零道人依茅棟蕙帳淒芳馨苓龜倘
可見長鑱斲青冥一食沉我腹敗履插修頰

仙遊山九日歎逝

欽定四庫全書

鴻慶居士集

十

傷心玉杵兩眉齊永負黃花九日期萬里炎州嗟我老
百年青睞向君垂俱飛蜨蝶愁看汝醉飽茱萸欲對誰
獨立西風搖短髮一生遺恨一愁悲

二

割肉早歸三伏日傳柑賜飲上元燈那知一慟殊方去
獨向臺高此日登淚濕西風坐眼纈夢回殘夜起闕稜
孤鸞別鵲知何處泉路茫茫喚不應

達臣議承餉石耳

窮秋客舍風雨淒破釜生魚鰾有衣故侯未種東陵瓜
餓夫欲採西山薇歲晚黃金可療飢故園萬里天一涯
未辨登山拾瑶草且復從公茹石芝

山行憩田舍老父出迎以黃柑白酒為餉

藜杖扶來雪滿簪諄諄好語意深深酒傾白墮杯行玉
橘破黃苞坐釘金醉起莫辭田父肘甘餘須識野人心
匆匆不盡扳留意挽袖丁寧更一臨

兩日復往次前韻

欽定四庫全書

鴻慶居士集
卷一

十一

寒疎離離銀線亂

臨川出疎
號銀條

凍醴灑灑玉井深坐蔭庭

松翹翠蓋行穿野菊布黃金犬迎客入喜見尾鵲隨人
語欣會心俗裡淹留怕轅釜驅兒招喚得重臨

曹山寺

石棧梯空一線橫路窮臺殿兩參嶒日光淡淡鳥飛沒
雲氣茫茫龍隨行道入西歸餘隻履結茅宴坐千岩底
草根漚漚暗蟲鳴樹外騰騰青嶂起翠竹掩冉蒼雲屯
老藤蔽虧白晝昏天低尺五雷雨上身強丈六祖佛尊

我老栖栖厭行旅逢人欲問前三語不見高僧錫杖飛
山下空留千斛乳

贈曹山長老了如

一念挂世網平生語儒冠笑看蠅穴紙坐對鮎上竿費
醺醺豈識天壤寬老儒本逢掖詩肩尚儒酸久纏
冠蓋蔓忽作泡影觀堂堂人天師三世一指彈身閒雲
月吐骨老霜松寒我生飽憂患將心覓人安目擊有妙
寄語樂非世歡坐穩且復留火芋分懶殘

欽定四庫全書

鴻慶居士集
卷一

十二

送僧妙鑑住廣壽寺

明月不可呼清夜時一出孤光掛海涯皎皎轉空碧道
人一茅把坐晚九年壁磨碑破纏縛驟若老驥逸匆匆
林下逢悵望不暖席錫杖已凌空堦庭草如積

明水達老以黃甘荔子土芋為餉小詩答謝

客居芥牢落幽絕無四隣歲窮有衣結日晏甌猶塵偏
仄戎馬間敢厭薪水勤故人情義重采采青泥片小摘
持寄遠分餘為情親丹荔劈輕圓黃甘破芳辛蹲鴟勸

加餐風味亦可人渺渺山澗曲浩浩水雲晨踞爐有前
諾兩翁對然薪眼纈紅綠共此無邊春

次韻王子欽立春

玉手傳絲催歲金換刀剪綵伴春回兵戈滿眼年年在
花鳥驚心日日來芳意漸還三徑草暗香猶認兩京梅
呼童火急供春事凍醴先生灑玉醅

二

歲晚驚呼身已老天涯流落首空回便將酒力推愁去
欽定四庫全書

鴻慶居士集

十三

且放春光入眼來人語嘻嘻爭鬪草宮花閃閃艷粧梅
雪消水暖春江動綠漲蒲萄萬斛醅

東塔

翠竹含風嫋嫋青山照水重重窗戶無人半掩一龕香
霧空濛

二

偶與白雲共出忽隨倦鳥俱還明日重尋舊路桃花流水空山

遊東塔雨中夜歸

山氣濛濛衣自濕意行曳杖穿雲入老翠陰森萬竹蟠
浮蒼瀲灩千峯立薜蘿幽尋到蕭寺拊掌一笑掀百蟄
酒醒佛火照黃昏坐聽北牕風雨集

二

山色凌寒春尚瘦潭影涵空清可漱漠漠雲行紫翠間
斑斑雨濕黃昏後火炬穿林鳥出巢人語闌門狗窺竇
杖藜有興會重來更待黃鸝晴晝

欽定四庫全書

鴻慶居士集

十四

次韻王子欽春望

王孫春望思寥寥冠帶常年盛八簫花靨重重牆外是
琴心切切酒中招屠龍已破千金產駟馬重歸萬里橋
便解貉裘沽一醉忍看紅藥慘寒條

二

萬木陰中鎖沈寥晨門跋馬聽蕭蕭故人自欲分茵去
逐客何妨折簡招共對春風班露草却隨明月下溪橋
擊鮮故有諸郎在三尺銀刀貫柳條

鄒次魏黃善長携文見招小詩為謝

鄒郎英妙知名久筆端自有談天口客舍相逢一樽酒
衆星錯落見真斗高論欲追牛馬走長嘯忽作蛟龍吼
餘子碌碌那得友江夏無雙亦其偶我觀二妙屠龍手
青紫紛紛何足取他年要作中興碑大字磨崖繼聲叟
癸丑寒食曹山飯僧荐章淑人不勝悼往之懷書

于方丈屋壁

川逝日已遠蓬漂久未歸異鄉驚歲換宿草變春暉魂

欽定四庫全書

鴻慶居士集
卷一

十五

夢差參是音容想像非遥憐小兒女慟哭紙錢飛

二

草草木皮棺松風生暮寒鶯啼春寂寂螢照夜漫漫夢
裏號三匝愁邊薦一簾想思為君瘦零落帶圍寬

清明日與范季寔諸人過胥澤民別墅小集六言

二首

水滿雙飛白鷺花深百轉黃鸝寒食清明過了一川烟

草離離

二

兀兀三盃困昏昏一枕春融酒醒落花風裏夢回啼
鳥聲中

曹山春日

弱柳千絲颺河橫一帶圍腰支春作瘦鱗甲雨生肥逐
伴魚兒出爭巢燕子飛匆匆班草地不覺卧斜暉

二

屏擁山入坐珠跳水濺裾香銷塵漠漠日淨竹踈踈身

欽定四庫全書

鴻慶居士集
卷一

十六

逢百罹後春殘一夢餘故林千嶂外孤抱幾時舒

壁上人開軒闕地栽花種橘戲留小詩

看雲隨卧起飲水自敷腴秀色共齋鉢寒聲落坐隅未
開花五色且種橘千奴幽事相關處時來近酒壺

春雨

小雨破春昏清風洗瘴氛霏微花上見蕭瑟夜深聞獨
笑闌幽事酣歌倚半醺羈懷不堪寫危坐聽爐芬

春晚

花落不容惜猶殘葉底春稀紅閃餘映亂綠鬪尖新飛絮高度竹遊絲遠趁人窺簾聞好語雙鵲喜津津

二

殘尊斷送春千里未歸身鶯老猶聞語梅酸欲聚顰獨眠愁警夜起舞聽雞晨行路難如此悠悠且傍人

曹山

露宿風餐兩鬢華故園蕪沒舊生涯聖恩若許求惟益便向東陵學種瓜

欽定四庫全書

鴻慶居士集
卷一

七

二

竹杖芒鞋渾稱身茸茸香草醉中茵舉鞭叱馭何為者始信王陽是可人

三

毀瓦區區為食謀半生黍炊在刀頭一屋會入扶犁手不上陳登百尺樓

鴻慶居士集卷一

欽定四庫全書

鴻慶居士集卷二

宋 孫覲 撰

詩

有客生致兩雉不忍殺開籠縱之

平地安知禍有機一跌永負青雲期舉羣驚雉墮置網袞背煥爛光陸離山梁一嗅不忍噉如臯一笑吁可悲開籠放汝須遠去莫遺韓公賦病鴟

欽定四庫全書

鴻慶居士集
卷二

二

誰令孤鷺遂專場剪送籠中看為翔文章正坐虎尾柄鍛羽一落千丈強翠翎低推少顏色奇禍非汝能遮防匆匆應媒莫浪出尊拳毒手正相當

題妙覺寺壁

葉底紅稀不見花枝頭綠暗可藏鴉春歸古殿蒼苔滿一點籠燈隱絳紗

再至